

BAHLAHLLOBI BA MEHLENG BA DIBUKA TSA DITJHELETE BA BOLAODI BA MEEDI BA TSHWARETSWE MANYOFONYOFO

Pretoria, Labobedi, 14 Motsheanong 2019 – Bahlahlobi ba babedi ba mehleeng ba dibuka tsa ditjhelete ba Bolaodi ba Meedi ba ahloletswe ho hlola tjhankaneng dilemo tse tharo bakeng sa manyofonyofo bekeng e fetileng, ka la 9 Motsheanong 2019.

Pranesh Maharaj wa La Mercy le Reuben Moodley wa Newlands West ka bobedi ba ile ba fumanwa ketsahalang ya tjojo ya tjhelete e kana ka R100 000 e neng e le ka hara enfolopo e sootho dipokothong tsa bona letsholong la sepolesa la la Tlhakubele 2018.

Bahlahlobi bana ba babedi ba dibuka tsa ditjhelete ba dumetse hore ba ile ba fana ka temoso ho rakgwebo ya tsebahalang wa KwaZulu-Natal ka Hlakola 2018, moo ba neg ba mo lemosa ka oditi e neng e tla etswa ya dikhampani tseo yena e neng e le molaodi ho tsona. Ka nako ya kopano e latelang, ba ile ba batla tjojo ya R200 000 ho tswa ho yena hore "mathata a hae a lekgetho a nyamele".

Hamoraonyana hona letsatsing leo, Maharaj o ile a ikopanya le rakgwebo eo mme a mo kopa hore a fane ka tjhelete ya pele e kana ka R10 000, eo a ileng a e lefa. Maharaj ha a ka a bolella Moodley ka taba ena ebile ha a ka a arolelana tjhelete ena le yena.

Le ha ho le jwalo, rakgwebo ona o ile a tlaleha taba ena mapoleseng. Ho ile ha etswa qeto ya ho rera lemeha la sepolesa ho latela karolo ya 252A ya Molao wa Metjha ya Bonokwane. Rakgwebo ona o ile a fana ka tjhelete ena e ileng ya arolwa ho ba ka hara dienfolopo tse pedi eo ka nngwe ya yona e neng e kentse R100 000.

Sepolesa se ile sa qhautsa babelaelwa bana nakong eo ba neng ba tsamaya ka mora hore rakgwebo enwa a ba nehe dienfolopo tsena boemelong ba makoloi ba Standard Bank, Lekaleng la Kingsmead ka la 2 Tlhakubele 2018, ho ya ka moo ho neng ho hlophisitswe ka teng ke bona.

Lekgotla la Lebatowa la Durban le ile la ahlola bahlahlobi bana ba babedi ba dibuka tsa ditjhelete ka dilemo tse ding hape tse pedi tsa ho hlola tjhankaneng, tse fanyehilweng nakwana bakeng sa dilemo tse hlano. Maharaj o ile a ithaopa ho kgutlisa R10 000 eo a ileng a e leshwa ke molefalekgetho.

Basebetsi ka bobedi ba ile ba itokolla mosebetsing ka nako ya motjha wa kgalemo wa SARS ka Phato 2018.

Khomeshenara ya SARS Edward Kieswetter o ananetse kahlolo ena mme a tlatsa ka hore ha ho na sebaka sa basebetsi ba sa tshepahaleng mona SARS.

"Ha re na mamello hohang ya ho hloka botshepehi le ditlolo tsa molao. Ha re ntse re tswela pele ka leeto la rona la ho kgutlisetsa botshepehi le tshebeletso e hlwahlwa setheong sena sa rona, re batla ho netefaletsa baahi hore SARS e tla nka mehato e boima kgahlano le basebetsi ba ekang tshepo ya setjhaba", o buile jwalo.